



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-5742/25
Sarajevo, 02.09.2025. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnice Pekić Jelene, dostavlja se;

VEZA: Vaš akt broj: 01-04-39560-5/25 od 15.07.2025. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo odgovor na zastupničku inicijativu, koju je dana 15.07.2025. godine, uputila zastupnica Pekić Jelene, a koja je glasila „Da se poduzmu dodatne aktivnosti na uklanjanju nepropisno parkiranih vozila.“.

Odgovor:

„Uprava policije, Ministarstva unutrašnjih poslova Kantona Sarajevo kontinuirano provodi mjere i radnje u skladu sa zakonskim propisima i svojim nadležnostima, a koje se odnose na sankcionisanje prekršaja nepropisnog parkiranja motornih vozila. Saradnja između Uprave policije, Ministarstva unutrašnjih poslova Kantona Sarajevo i KJKP „Rad“ Sarajevo - Pauk služba odvija se kontinuirano i organizovano, te uključuje operativne akcije uklanjanja vozila parkiranih suprotno zakonskim odredbama, posebno u zonama visokog intenziteta saobraćaja u blizini raskrsnica pješačkih prelaza, stajališta javnog prevoza i drugih lokacija od posebnog značaja.“.

S poštovanjem,

Prilog:

1. Akt Uprave policije, Ministarstva unutrašnjih poslova Kantona Sarajevo

Broj: 02/2-2-315/25 od 13.08.2025. godine;

2. CD x1.



Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.



Broj: 02/2-2-315 /25
Datum: 13.08.2025. godine

11 0 -08- 2025

664.

MINISTARSTVO UNUTRAŠNJIH POSLOVA
-S e k r e t a r u-

PREDMET: Odgovor na akt Skupštine Kantona Sarajevo – zastupnička inicijativa – dostavlja se

Poštovani,

U vezi sa aktom Skupštine Kantona Sarajevo broj 01-04-39560-5/25 od 15.07.2025. godine, a koji se odnosi na inicijativu zastupnice u Skupštini Kantona Sarajevo, gospođe Jelene Pekić, kojom se predlaže poduzimanje dodatnih aktivnosti na uklanjanju nepropisno parkiranih vozila u saradnji Uprave policije MUP-a KS i KJKP „Rad“ Sarajevo, obavještavamo Vas da Uprava policije Ministarstva unutrašnjih poslova Kantona Sarajevo kontinuirano provodi mjere i radnje u skladu sa zakonskim propisima i svojim nadležnostima, a koje se odnose na sankcionisanje prekršaja nepropisnog parkiranja motornih vozila.

Na području Kantona Sarajevo svakodnevno se sprovodi pojačan nadzor i realizacija terenskih aktivnosti, s posebnim akcentom na sprječavanje ometanja pješačkog i motornog saobraćaja te na osiguravanje prohodnosti i sigurnosti svih učesnika u saobraćaju, primjenjuje zakonom predviđene mjere kako u pogledu izdavanja prekršajnih naloga, tako i uklanjanja nepropisno parkiranih vozila sa javnih površina.

Saradnja između Uprave policije i KJKP „Rad“ Sarajevo – Pauk služba – odvija se kontinuirano i organizovano te uključuje operativne akcije uklanjanja vozila parkiranih suprotno zakonskim odredbama, posebno u zonama visokog intenziteta saobraćaja, u blizini raskrsnica, pješačkih prelaza, stajališta javnog prijevoza i drugih lokacija od posebnog značaja.

Policijski službenici Uprave policije MUP-a KS kontinuirano provode preventivne i represivne aktivnosti, postupaju po prijavama građana, inicijativama lokalnih zajednica te prema internim planovima rada. Posebna pažnja posvećuje se vozilima koja svojim nepropisnim parkiranjem ugrožavaju sigurnost učesnika u saobraćaju ili onemogućavaju pristup interventnim službama u hitnim situacijama, kao i drugim prekršajima u skladu s zakonom. U tom kontekstu, u saradnji sa KJKP „Rad“ Sarajevo, razmotrit će se dodatno usklađivanje radnog angažmana Pauk službe, s ciljem unapređenja sigurnosti i protočnosti saobraćaja, te efikasnijeg uklanjanja nepropisno parkiranih vozila.

Do sada su policijski službenici Uprave policije MUP-a KS izdali veći broj prekršajnih naloga iz oblasti „mirujućeg saobraćaja“, dok je u saradnji sa KJKP „Rad“ Sarajevo, specijalnim vozilom „Pauk“, uklonjen značajan broj nepropisno parkiranih vozila, u skladu sa Zakonom o osnovama sigurnosti saobraćaja na putevima u BiH i drugim relevantnim propisima.

Uprava policije MUP-a KS će i u narednom periodu nastaviti intenzivno provoditi sve preventivne i represivne mjere i radnje, uključujući i ciljane akcije pojačane kontrole, s ciljem sprječavanja i sankcionisanja svih radnji koje narušavaju sigurnost i protočnost saobraćaja. Na ovaj način nastojimo dodatno unaprijediti sigurnost svih učesnika u saobraćaju te kvalitet života građana Kantona Sarajevo.

S poštovanjem,

